

Aen Hozdung Doxgyau Couqmaenh Gij Eiqsik Cunghvaz Minzcuz Ranz Vunz Ndeu Denzlinz Yen 2025 Nienz Guh Baenz



Mboengqneix, aen hozdung doxgyau couqmaenh gij eiqsik Cunghvaz Minzcuz ranz vunz ndeu Denzlinz Yen 2025 nienz aeu “caezungz caezangq • gvansim suenranz” guh cawjdaez haenx youq Denzlinz Yen guh. Hozdung aeu ciet guh moiz、aeu vwnz guh giuz, lienziep vwnzva cienziep、yozsuz gyauhliuz、feihyiz langhbaiz caeuq hamj dieg lienzdoengh, daj aen ciet minzcuz dandog hwnjmabek baenz aen hoih hoengh gyonjconz miz daihgeq caeuq daihneix doxsan、vwnzva caeuq ginghei caezungz, bienqbaenz gij saedguh sengdoengh gak cuz ginzcong haeujlaeg doxyungz、caezhwnq doengzsim haenx.

(Loz Yingz/罗莹 Yauz Lunzsinh/姚伦伸)

◀ Minzcuz vunzva cunzyouz.

Vanzgyangh Genjcazyen Guh Hozdung Fapceih Haeuj Hagdangz

Mboengqneix, Vanzgyangh Mauznancuz Swiyeen Yinzminz Genjcazyen byaij haeuj Conhsanh Cunghyoz, guh hozdung lwnhgangj fapceih ciendaenz “caeuq fapguk caemhbyaij fap hen majhung”. Gunghcoz yinzyenz doenggvaq gij anqlaeh caensaed bang gyoengq hagseng roxyiuj gak diuz faplwd, gangigej gij neiyungz fapguk gvendaengz gienzleih yivu gunghminz daengj, son bouxcoz nyezrauh lai rox faplwd, coenghrenez bouxcoz nyezrauh ndangcangq majhung.

(Veiz Giz/韦琪)



▲ Gunghcoz yinzyenz gangigej fapguk hawj hagseng rox.



▲ Beixnuengx Yauzcuz hwnj daiz biujvienj.

Liujcouh Si Yauzcuz Yozvei Guh Hozdung Doxgyau Baengzyoux

12 nyied 7 hauh, Liujcouh Si Yauzcuz Yozvei guh hozdung doxgyau baengzyoux, gak minzcuz beixnuengx Yauz、Dung、Myauz、Cuengh daengj 300 lai vunz daj ndaw gih rog gih daeuj, aeu foux gyong raez Yauzcuz、Dohyeh Dungcuz、boq aenvenz Myauzcuz daengj, yienh'ok gij yienghsiengq cingsaenz ndwenngoenz gyaundeiz gak minzcuz ginzcong, coicaenh gak minzcuz beixnuengx doxbyaij doxgyau doxyungz.

(Lanz Gunh/兰堃)

Bingzloz: 18 Fanh Moux Lwgndae Baenz Lai Coengh Bouxguhnaz Demsou

Seizdoeng, Bingzloz Yen lwgndae baenz ndei sou lai. 12 nyied 13 hauh, dangdieg bouxguhnaz gyagaenj mbiq naeng、dak mak、gyagoeng gij lwgndae ngamq sou haenx, bouxboux gyaengqnyatnyat angqvauvau. Seizneix, Bingzloz Yen ndaem lwgndae 18 fanh moux, bi baenz mak 60 lai fanh dunh, daengx aen canjnieb canjiz 60 ik maenz doxhwnj, coenghrenez bouxguhnaz demsou caeuq lajmabanj saenghwnq.

(Fanz Saugvangh/樊绍光)



▲ Bouxguhnaz cingq cang mak hwnj gyaq bae dak.